

周氏醫學鼓書

欽定四庫全書
醫部全錄
卷一百一十五
PDG

本艸經疏卷十九

禽部三品

總五十六種今疏其要者四種

雞

鳥骨鷄

雞冠血

肝

屎白

臍腔裏黃皮

雀卵

雄雀屎附

天鼠屎

白鴿

諸雞

疏按雞爲陽禽屬木而外應乎風故在卦爲巽其色雖有丹白黃烏其種復有烏骨之異總之性熱補陽起陰兼有風火之義惟烏骨者別是一種獨得水木之精故主陰虛發熱蓐勞崩中等證也

簡誤

雞性熱動風凡熱病初愈癰疽未潰素有風病人咸忌之弘景云小兒五歲以下食雞生虵蟲雞肉不可合葫芥李食不可合犬肝犬腎並令人洩痢同兔食成痢同魚汁食成心瘕同鯉魚食成癰癰同獺肉食成遁尸同生葱食成蟲痔同糯米食生虵蟲年久老雞腦有大毒食之能發疔中其毒發疔者以玉樞丹丸可解

○烏骨雞味甘平無毒主補虛勞羸弱消渴中惡鬼擊心腹痛益產婦治女人崩中帶下一切虛損諸疾

〔疏〕烏骨雞得水木之精氣其性屬陰能走肝腎血分補血益陰則虛勞羸弱可除陰回熱去則津液自生

渴自止矣陰平陽秘表裏固密邪惡之氣不得入心
腹和而痛自止鬼亦不能犯矣益陰則衝任帶三脈
俱旺故能除崩中帶下一切虛損諸疾也古方烏骨
雞丸治婦人百病者以其有補虛益陰入血分之功
也

主治參互

古方烏骨雞丸治婦人產後蓐勞及陰虛等證方中
半夏人參乃立方者之誤宜去之 用骨一具煨存
性同紅藥子白及白歛冰片雄黃朱砂乳香沒藥醋
蜜調傅一切癰疽腫毒神效 治中惡心腹痛欲死
但殺白烏骨雞乘熱薄心卽瘥如鬼擊卒死用其熱

血塗心下亦妙

○鷄冠血主乳難用三年老雄者取其陽氣充溢也凡風中血脈則口角僻喎冠血鹹而走血透肌肉故以之治中風口喎不正塗頰上效丹雄鷄爲陽禽冠血乃諸陽之所聚故能治中惡客忤邪氣高武痘疹正宗云鷄冠血和酒服發痘最佳雞屬巽屬風頂血至清至高故也

主治參互

皆效方對口毒瘡熱鷄冠血頻塗之取散 青囊襍纂中蜈蚣毒舌脹出口是也雄雞冠血浸舌并咽之勝金方諸蟲入耳鷄冠血滴入卽出

簡誤

痘瘡須分寒熱。鷄血性溫，天行瘡子虛寒者得之固可資其起發。倘因血熱而乾枯焦黑者，誤用之能更轉劇。世人類用雞血桑蠹蟲發痘而不分寒熱，誤也。

○肝主起陰氣

〔疏〕肝本經主起陰氣，性溫可知。味甘微苦，入足厥陰少陰經。今人用以治小兒疳積，眼目不明者，取其導引入肝氣類相感之用也。

主治參互

同蕪荑使君子胡黃連青黛五穀蟲穀精艸蘆會治小兒疳熱目生障翳。千金方陰痿不起用雄雞肝。

三具兔絲子一升爲末雀卵和丸小豆大每五六十丸酒下日二服

○尿白微寒主消渴傷寒寒熱破石淋及轉筋利小便

止遺溺滅癥痕

雄鷄屎乃有白臘月收之白鷄鳥骨者更良素問作雞矢

〔疏〕雞屎白微寒乃腸胃所出之物故復能走腸胃治病素問云心腹滿旦食不能暮食名爲鼓脹治之以雞矢醴一劑知二劑已王太僕註云本艸雞矢並不治蠱脹但能利小便蓋蠱脹皆生于溼熱溼熱脹滿則小便不利雞屎能通利下泄則溼熱從小便而出蠱脹自愈故曰治溼不利小便非其治也本經主石淋利小便止遺溺者正此意耳轉筋者血熱也傷寒

寒熱及消渴者熱在陽明也癰瘰者血熱壅滯肌肉也寒能總除諸熱故主之也日華子炒服治中風失音痰迷陳藏器和黑豆炒酒浸服治賊風風痺蓋風爲陽邪因熱而生雞屎寒能除熱雞本與風木之氣相通取其治本從類之義也

主治參互

普濟方雞矢醴治鼓脹旦食不能暮食用臘月乾雞矢白半斤袋盛以酒醅一斗漬七日溫服三盃日三或爲末服二錢亦得 積善堂經驗方治一切肚腹四肢腫脹不拘鼓脹氣脹溼脹水脹等用乾雞矢一升炒黃以酒醅三碗煮一碗濾汁飲之少頃腹中氣

大轉動利下卽自腳下皮皺消也未盡隔日再作

○雞子主除熱火瘡癰瘰卵白微寒療目熱赤痛除心下復熱止煩滿欬逆小兒下洩婦人產難胞衣不出醯漬之一宿療黃疸破大煩熱

〔疏〕雞子稟生化最初之氣如混沌未分之形故卵白象天其氣清其性微寒卵黃象地其氣濁其性微溫卵則兼清濁而爲體其味甘氣平無毒凡癰瘰皆火熱爲病雞子之甘能緩火之標平卽兼涼能除熱故主癰瘰及火瘡并治傷寒少陰咽痛神効

主治參互

醫方集成年深哮喘雞子畧敲損浸尿缸中三四日

煮食能去風痰 又方用頭生雞卵七枚童使浸七

日取出煮熟每日食一枚永不出痘 仲景苦酒湯

治少陰病咽中傷生瘡痛不能語言聲不出者用半

夏十四枚碎鷄子一枚去黃內入半夏苦酒令滿置

刀環中安火上令三沸去滓少少含嚥之不瘥更作

此方有神效 普濟方咽塞生瘡乾嘔頭痛食不下

法同上無半夏 經驗秘方湯火燒灼雞子清和酒

調洗勤洗止痛生肌 普濟方塗面駐顏雞子一枚

開孔去黃留白入金華臙脂及桑礪少許紙封與雞

抱之俟別卵抱出以塗面洗之不落半年尚紅也

仲景方治少陰病得之二三日以上心中煩不得臥

者用黃連黃芩芍藥阿膠雞子黃先煎三物成去滓
膠烱盡小冷雞子黃攪勻溫服 劉禹錫傳信方亂
髮雞子膏治孩子熱瘡效見髮髮條下

○抱出卵殼研末磨障翳取其蛻脫之義也蘇頌又主
傷寒勞復熬令黃黑爲末熱湯和一合服取汗出卽
愈炒研細傅下疳亦妙卵中白皮主久欬氣結得麻
黃紫菀和服之立止

○胝胫裏黃皮微寒主洩利小便利遺溺除熱止煩

〔疏〕此卽肫內黃皮一名雞內金是也肫是雞之脾乃
消化水穀之所其氣通達大腸膀胱二經有熱則洩
痢遺溺得微寒之氣則熱除而洩痢遺溺自愈矣煩

因熱而生熱去故煩自止也今世又以之治諸疔瘡
多效

主治參互

醫林集要小便淋瀝痛不可忍雞肫內黃皮五錢陰
乾燒存性作一服白湯下立愈 子母秘錄鴨口白
瘡雞肫內黃皮爲末乳服半錢并可傅之 經驗方
走馬牙疳雞肫內黃皮不落水者五枚焙存性枯礬
一錢研細搽并治陰頭疳蝕

雀卵味酸溫無毒主下氣男子陰痿不起強之令熱多
精有子

〔疏〕雀屬陽其氣溫味酸其性淫故能入下焦陰分能

補煖兩腎夫人身兩腎左爲腎右爲命門左屬水爲陰右屬火爲陽天非此火不能生物人非此火不能有生又云陽生則陰長可見命門眞陽之氣乃人身生化之本也故命門衰敗則陰痿精寒絕化育之道雀卵性溫補煖命門之陽氣則陰自熱而強精自足而有子也溫主通行性又走下故主下氣也弘景云術家和天雄服之令莖大不衰孟詵云和天雄兔絲子末爲丸空心酒下五丸治男子陰痿女子帶下便溺不利除疝瘕以其有溫煖命門之功也肉味甘溫功用不及卵

○雄雀屎療目痛決癰癰女子帶下溺不利除疝瘕一名

白丁香一頭尖者是雄兩頭圓者是雌凡用研細甘艸水浸一宿焙乾用

疏雀屎本經無氣味察其所主應是辛苦溫之物性善消散故外用療目痛決癰癰內服治帶下溺不利疝瘕也蘇恭以首生男子乳研雀屎成泥點目中弩肉赤脈貫瞳子者卽消神效蓋取其辛散拔出火毒之義也

主治參互

子母秘錄小兒中風口噤乳不下雀屎丸如麻子大服二丸自愈 梅師方諸癰癤已成膿不肯決懼鍼者塗雀屎瘡頭卽易決 普濟方喉痺乳蛾白丁香二十箇以沙糖和作三丸每以一丸綿裹含嚙卽時

本州總政卷十九
遂愈甚者不過二丸極有奇效

簡誤

雀肉及卵陰虛火盛者忌之不可合李食妊婦食雀肉飲酒令子多淫凡服朮人忌之雀屎療目痛非風熱外邪者不宜用女子帶下溺不利屬腎虛有火者並忌之古方同天雄服此藥性極熱有大毒非陰臟及眞陽虛憊者慎勿輕餌

天鼠屎味辛寒無毒主面癰腫皮膚洗洗時痛腹中血氣破寒熱積聚除驚悸去面黧

一名夜明沙

〔疏〕天鼠夜出喜食蚊蚋故其屎中淘出細沙皆未化蚊蚋眼也所以今人生明目治目盲障翳取其氣類

相從也其味辛寒乃入足厥陰經藥本經所主諸證
總屬是經所發取其辛能散內外結滯寒能除血熱
氣壅故也然主療雖多性有專屬明目之外餘皆可
略

主治參互

聖惠方青盲障翳夜明沙一兩栢葉炙一兩爲末牛
膽汁和丸梧子大每夜臥時竹葉湯下二十丸 又
方五瘧不止夜明沙末每冷茶服一錢立效并治胎
前瘧 除目疾外他用甚稀故不立簡誤

白鴿味鹹平無毒肉主辟諸藥毒及人馬久患疥又云
煖無毒調精益氣治惡瘡疥并風瘙白癬癰瘍風

疏白鴿稟水金之氣故其味鹹氣平無毒腎藏精腎
納氣肺主皮毛鹹入腎故能調精益氣平則兼辛入
肺故能主惡瘡疥及白癰癰瘍風凡毒藥之性多熱
鴿得金水之氣故又能辟諸藥毒也其尿名左盤龍
亦能主人馬疥瘡

主治參互

食鹽心鏡治消渴飲水不知足用白花鴿切作小片
以土蘇煎含之嚥汁 瀉江方預辟痘毒用白鴿卵
一對入竹筒卦置廁中半月取出以卵白和辰砂三
錢丸蒸豆大每服三十丸豆子飲送下毒從大小便
出也 保命集破傷中風病傳入裏用左盤龍白殭